

Ennelk word de EM anfleit

Ennelk is dat weer so wied. Mörgeen word in Italien, in Rom, dat eerste Spööl van de Football Europameisterskupp 2021 anfleit. Egentlik harr dat Spektakel al verleden Jahr stattfinden sullt, man ok dat hett dat Corona-Virus neet tolaten. De Veranstalter wurr en dicke Streek dör de Reken maakt. Man mörgeen Avend sall dat nu losgahn.

Football-Mannskuppen un de hör Anhang ut 24 Nationen flegen un fahren dann dwars un dweer dör Europa un hör Spöölen uttodragen. Un dat in elv verscheden Steden, in elv verscheden Lannen.

Ok wenn man de Leevhebbers van de Footballsport so 'n Beleevennis geern gönnen is, sall sük wall doch mennigeen de Fraag stellen, warum dat nu tomaal weer mögelk is un tolaten word? Dat schrikkelke Virus is alltied noch hoog ansteekend un sleit al-

lerwegens noch weer to. Würkelk kumpleet overwinnen is dat doch nargends.

Jan un Gerd bruken sük daar keen Sörgeen um maken. De beid Nabers sünd ok Football-Fanatikers, man gahnt haast nooit in en Stadion. Se kiekten sük mitnanner al siet Jahren in 't Feernseher elke Spööl mit düütske Bedeligen an.

Un en echte Fan, de is natürelk ok tohuus ördentlik utstaffeert: De neeiste Trikot antrecken is Plicht, netso dat Dragen van Halsdoek un Mütz in düütske Nationalfarven. Neet to vergeten de Flagge in swart-rood-gold achter 't Huus, in de Tuun, de aver na en verloren Spööl ok wall maal up Halvmast weith.

Um Eten un Drinken bi de Spöölen bruken Jan un Gerd sük neet kümmern. Daarför sörgen hör Frauen. Dat word alltied 'n bietje na de Tegenpart van de düütske Mannskupp utricht. So sall dat in de token Vörrunnen tegen Frankriek Baguette, Camembert un Calvados geven un tegen Portugal Kabeljau un Port-

KOLUMNE

Moin, Moin
Schrievers moje
allerbest **Spreek** hoop
Pläseer **Vertellsel**
Smüstern

Platt maakt

wien. Tegen de Ungaarn könen se sük dann up scharp Ketelgulasch un söten Tokajer freuen.

Sülvst Football kiekten mögen de beid Frauen aver neet. Se verkrömmeln sük denn lever na tegenan un verbrennen daar hör Wichteravend.

So as dat utsücht, sünd Jan un Gerd heel entspannt un allerbest vörbereit up hör Europameisterskupp in lüttje Runn. Man faak geooog denken se ok an de hele Tokiekers, de in disse noch gefahrelke Tied weer in de Stadien strömen wölen. Acht daar elk un een in sien Begeisterung un Fierluun up Spütterdoekje dragen un Ofstand hollen?

Hopentlik word dat för Europas Football keen Eigentoor!



Karlheinz Harms